



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 20/217	Løpenr: 20/2026
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	05.03.2020	004/2020

Faste saker

05.03.2020 Kommunestyret:

Handsaming i møtet:

Godkjenning av møteinnkalling og sakliste

Det var ingen merknader til møteinkallinga.

Ordførar Knut Harald Frøland (BI) orienterte om at rådmannen hadde bedt om å få opp ei ekstrasak i møtet, med tittelen "Godkjenning av sluttavtale". Ordføraren foreslo at denne saka vart teken inn på saklista, og at den vart handsama etter KS Folkevaldprogram. Kommunestyret slutta seg til dette. Det var ingen andre merknader til saklista.

KS Folkevaldopplæring

Etter opninga av møtet var det KS Folkevaldprogram (folkevaldopplæring) v/Erik Haga kl. 08.45 - 11.30 . Dette var andre dag av KS Folkevaldprogram for kommunestyret i 2020.

Orienteringssaker:

Gode historiar

Ordførar Knut Harald Frøland (BI) orienterte om introduksjonsprogrammet for flyktningar, som har har vore svært vellukka i Samnanger.

Status for arbeidet med rapport frå barneverngransking

Rådmann Charlotte Hageberg orienterte om status for arbeidet med rapporten. Ho har fått informasjon frå Barneadvokatene om at rapporten vil vera klar før påske.

Grunngjevne spørsmål:

Grunngjeve spørsmål frå Kristeleg Folkeparti om visning av innslag i NRK Supernytt

Gunn Totland Moss (KrF) las opp spørsmålet. Rådmann Charlotte Hageberg las opp svaret frå

fungerande rektor ved barneskulen. Svaret ligg som vedlegg til møteprotokollen.

Utvalet sitt kvarter:

Koronavirus

Monica Tjønnna (Sp) spurde om kommunen sin beredskap knytt til koronaviruset. Ho foreslo òg at det vert utplassert spritdispensarar på offentlege plassar i kommunen.

Rådmann Charlotte Hageberg orienterte om korleis kommunen arbeider med denne saka, kva tiltak som er sette i verk og kva ulike scenario det vert planlagt for.

Oppseiingstid på omsorgsbustader

Monica Tjønnna (Sp) tok opp at kommunen si ordning med tre månaders oppseiingstid på omsorgsbustader fører til at eldre gjerne må betala dobbel husleige i samband med overgang frå omsorgsbustad til sjukeheims plass. Dette temaet vart seinare i møtet handsama som eiga sak (interpellasjon frå Bygdalista).

Sjukefråvær

Arild Røen (H) viste til at sjukefråværet i kommunen var høgare i 2019 enn i 2018, og spurde om kva som kan vera årsaker til dette. Rådmann Charlotte Hageberg orienterte nærmare om sjukefråværet i 2019, mellom anna om moglege årsaker til at det samla sjukefråværet gjekk opp i 2019.

Referatsaker i kommunestyret

Arild Røen (H) viste til at det var mange informasjonssaker i innkallinga til formannskapet sitt siste møte, og at det berre var to informasjonssaker i innkallinga til kommunestyret 05.03.2020. Han peika på at det kan vera nyttig at kommunestyret òg får den same informasjonen som formannskapet. Ordførar Knut Harald Frøland (Bl) orienterte om at dette kan ordnast.

Oppfølging av grunngjeve spørsmål frå Kristeleg Folkeparti

Odd Arne Haga (Frp) hadde ein kommentar knytt til det grunngjevne spørsmålet frå Kristeleg Folkeparti.

Behov for avklaring om kommunestyret sitt ansvar for å organisera arbeidet

Odd Arne Haga (Frp) viste til folkevaldopplæringa tidlegare på dagen, og spurde om kva som ligg i kommunestyret sitt ansvar for å organisera arbeidet. Administrasjonen vil koma tilbake til dette spørsmålet.

KS- 004/2020 Vedtak:

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegerte vedtak/referatsaker.
Utvalet sitt kvarter.

